



# «ЗВЕЗДА»

«ЗВЕЗДА»

12 август 2016 ш

нюжмар

№ 32 (6513)

Багъа 2 къуруш

Газета буклаккиссар  
1951-ку шинал  
ноябрьдания шинмай

Учредитель: Ккуллал районнул администрация  
Кулинская районная администрация

## Бувч лавуртту сакиншиннарай ва саргъунну дуван



Бувккусса гъантри ливчун бур РД-лул Халкъуннал Собраниялувун ва АьФ-лул Паччахлулгърал Думалувун бувч лавуртту дуван. Вай бувч лавуртту саргъунну ва скиншиннарай тлайла дуккаву мурадрайсса хладуршин на най дурр цанасса чумал. Августрал 8-нний райадминисрациялуву хъунни избирательный участокирдал председатель турацалсса, кланттул администрациярдал бакичитуралсса совещание, цайгу ххал дигълагъи сса бувч лавурттайнсса хладур шиинарал тагъар. Совещаниялий муниципальный районнул бакичи С.ХИ. Сулаймановлул

клици лавгуна ялун нанисса бувч лавуртту бигъасса къадикланшиву. Цанчирча, РД-лул Халкъуннал Собраниялувун депутатшиврийсса кандидатътелну царду риршусса хъанай бур 26 политический партия ва миннал кандидатътал, АьФ-лул Паччахлулгърал Дума лувун турча- 21 политический партия. Мунияту бувч лавурттал хъхъичи гъантрай аьркинну бур миннацалсса хъунабакъавуртту дуллан, бувч лавурттал хладъиравусса бувчин бавуртту дуллан, бувч л

вуртту сакиншиннарай ва саргъунну тлайла дуккан.

Цанасса чумал дур сса сияхирайн бувну районналий 7249 избиратель ушиврий ккалли хъанай бур, миннава ца бутла гилу-шилугу шагъурдай, районнай ялапар хъанхъисса, амма прописка ранналийра дусса бур.

Совещаниялийн бавту миннан районнул территориальный избирательный комиссиялул председатель М.АхIмадовлулгу бувчин бунни бувч лавуртту дуваврил ва чIурду булаврил низамрая.

## Кумаг бува школалейн хладур хъун

Щалагу Дагъусттан най баян бувну бур республиканская благотворительная акция «Помоги собраться в школу». Мунин бувну жула районналийгу булалиссар му акция. Ва акция хъана хъиссар добровольныйсса ва социально мягна дусса мероприятияну. Гъарцагу кIулшиву дулаврил учреждениярттал районналий сса организовать дуван аькринсар датлаву гуманитарный кумаг бувная, мигу дулуншиврул оьрчан инвалидтуран, нину ппу бакъа ливчIминнан малообеспеченныйсса оьрчан кулпатиртта вусса, цийгу захIматсса оьрмулул ситуациялий буминнан, мягнагу мури цIусса дуккавил шинайн ми хладур буван.

акциялул хъанахъиссар Управление образование муниципальный районнул. Акциялуву гурттушинна дулалимину хъанахъиссар къуллугъчитал, агъалий районнул, благотворительность дуван ччисса. Акция наниссар август зурул ахирданийнин. Гуманитарный кумаг бан ччинал бучIиссар дулун концилярский товарду, письменный принадлежностьру, тетрадыру, альбомру рисованиялул, портфеллу ва мукунна цаймигу оьрчал аьркин дуваймур школалейн. Циняв гуманитарный кумагран дартIусса зару дулунтIиссар кулпатирттан нуждаться хъанахъисса. Информация активныйсса участникурая чичинтIиссар районнул кказитрайгу.

Н.АхIмадов,  
УО-лул специалист

Организаторну

# Театр - районналий

Лакрал паччахлулгърал музыкалул – драмалул театр зун бивкIуния шихунмай майцIалла шин дукIура хъун духъурчагу, му юбилейрайн хас дурсса хъуна бакъавуртту, барча бавуртту ттигу найнна дур. Августрал 5-нний жула районналийгу хъунни мунин хас дурсса хъуна бакъавуртту. Ва къини Ваччав театрдул артистурал коллетиврал цал ккаккан дунни площадрай хъуннасса концерт. Хъхъувай турча культуралул чIяльаьлуву ккаккан бунни «Хан Муртазааьли» тIисса спектакль.

Тамашачитал рязийну ливчIунни ккаккан дурсса концертрая ва спектаклануя.

**Суратирттай;**  
«Хан Муртазааьли» спектакеллануей (княх), концерт ккаккан дуллай (урчIах)



## Ціуллу- сагъшиву дуруччаву - муданнасса хъуннасса бахшиш

Инсаннал ціуллу-сагъшиву дуруччаврия гьалгъа тлісса члумал гьарцагу хлакинал дакІний буссар цала хъа буллалисса члумалсса калимарду: «Ттула пациентнал (къашайшалал) ціуллу-сагъшивуттун муданнасса хъуннасса бахшишну хъанхъиссар.» Муних тунур гьарца хлакинал цала клулшиву, канилусса инсаннал ціуллу-сагъшиву цлак данмур, оърму лахъи банмур ишла дуллалисса. Му мурадрайгу махъаллил къахъанхъиссар цума-цагу кумаг аьркинсса къашайшала, аьркинну бухъурча цанма къабувчІлачІмунил ялув цама хлакиннашалгу маслихлат квавккун, ягу цама хлакиннан маслихлат буну къашайшала бази лаганмур буллалисса. Къашайшала хъин уваву, мунал оърму лахъи буванмур буваву ва бур хлакинал хъхъичІ бавцІусса яла хъунмур бурж.

Жула чІявуми инсантуран бусраври хъхъу- кьини къакуну

хлакинтурал, медициналул зузаттрал буллалисса захІмат, дакІния къабуклай бикІлай миннал цала ялув бувмур. Миннанцинявннан барчаллагъ медициналул зузаттрал къадру бушиврухлу.

Амма махъсса шиннар дий цаппара инсантал цала ціуллу-сагъшиву дуруччаврил ялув бакъа, цавай аьжаивсса масъалартту хлакинтурал хъхъичІ гъаз буллалиссагу хъуна бакълай бур. Агана къашайшала азаруннил мушакъат увсса ухъурча, ганан чІумуйсса цаманал чулухасса аякъа-къуллугъ аьркин хъанай бухъурча, мукунсса инсаннал мушакъатшиврул пенсия бишин, ягу мунаха къуллугъ буллансса аьркиншиву ккаккан бувайр. Мукун бикІлангу аьркинни.

Амма утти жучІава хъуна бакълай бур гила-шила машанлавсун цялусса азаруннил выпискардугу щаллу буну, ціуллу-сагъсса

инсан мушакъатшиврул группа ласун гъансса направлениярду тІалав дуллалисса, ягу «къашайшалаха» уход аьркинни тлісса справка тІалав дуллалисса. Му ттун хъинну къюкъала бизлазисса ишну чІалай бур. Агарда инсанбунияттунгу къашавай ухъурча, му хъин уван шайсса хІарачат жула хлакинтурал буллалиссар ва буван тліссар. Амма комиссия буллалисса инсантал жуйва хъяхъи бувансса даву къадувантліссар.

Ттул хъунмасса тавакъюри, мабукІларду мукунсса спаркарду, направлениярду тІалав дуллай, зуйва царив къакІулсса инсантал хъяхъи буллай къюкъин мабулларду зулва зува!

**С.Сулайманов,**  
райбольницалул хъунма хлакин

## ОьрчІансса тяхъашиву

Августрал 4-нний бавкъусса балайрдал ва ххамис кьини районналийн бавкъун бия республикалул ссихърал театрданул артистнал. Ва театрданул артистурал ЧІяйнал, Ваччиял, Ккуллал, Хъусрациял оьрчІал садикирттавун заназисса оьрчІан ккаккан бунни «Красная шапочка», «По щучьему велению» тлісса магъравасса парчри. Магърал патчри ккаккан буллалиний най бия муниципун

бавкъусса балайрдал ва къавтІавурттал макъанну. ОьрчІал ххаришиврул зума дакъая театрданул артистурал гъунар буну ккаккн дуллали муния.

Районналул бакІчинал цІания ва цинявпагу тамаша читурал цІания районналул администрациялул бакІчинал заместитель С. Ильясовал барчаллагъ увкунни республикалул ссихърал театрданул коллективрахаь



## ХъатІи - шагърулий, бивкІу-...

Дуссия ва август зуруй гьарца инсаннал дакІ ххари дуллай, хъинмунийн умуд бишин буллалисса чІунну, муниятуя ванийн «ххарисса хъатІал барз Август» учайссагу.

Ва зуруй жула шяраваллава чан къашайссия зорнав дачІул чІу, ххарину бачайссия жяматгу хъатІийн: ясаулнал мархъ цІун къахъун гъухъа гъанзмур лахлай, балай учин, къавтІун изан къаан, архну шяикІлай, нажагъ изан арчагу хъатІун ума бансса номер хІадур буллай икІайссия гьарма.

Цуманал ци даву дантІи ссарив дакІних клулну бикІайссия тямаданан ва мунал кумагчитуран, микку ялун личайссия инсантуравусса гъунарду, миннал бюурду, клул шайссия ттинин щинчІав къакІулну бивкІсса шаммарду, саннарду, хъатІун хасъсса калимарду. КутІану учин, ми цимурцаннул авадан дуллан дикІайссия жула лақрал магъир лугъ, адабият, никирая никирайн нанисса буттахъал ляличІисса аьдатру ми хъатІал ядуллай, ппив дуллай дикІайссия ялун нанисса никиравух: вай цимур цаннул жува жула ссихІираву, жула атилшивруву, жула чІалачІи буллай бикІайвав.

Утти тІурча лақрал хъатІив лавгуну бур шагърур дайсса чІюлу заллавунмай, лақрал балайрдугу электронний дискардайнмай, так микрофонгу бувгъуну, усили теллавух нанисса балайрдацІун

бахІлай бур балайчи душ.

Совет хІукуматрал чІу мал эбратран ккаккан буллай бивкІсса «Комсомол хъатІив» сийлувун къабагъуна, утти тІурча клулвагу бакъа хъанай бур му журалул хъатІив.

Щаллуну лаккуй яхъана хъисса кулпатругума дуру ччин, лаккуй кунма бан ччай бакъар.

ЦІанами хъатІив бур циняв ца журалул, ца сцена риялийн нани бувсса, так гьарца шяраваллил цала къавтІаву, цала буттахъал балай, ци-дунугу цала аьдатрайсса дан хІарачат бай.

Ца-ца рязи акъа тІун икІай: «ХъатІив шагърулий, бивкІу шяраву буллай» бивкІу жула аслийсса миналив буччаву тІайлар, га личІиличІисса миллатирттал агъалинаву аьмсса хІатгаллив нияр, жула гъан-маччанал дяниву хъинни.

ХъатІив лаккуй къабул лалаврия жула чІярусса аьдатру, магъирлугърал бю хъу-вардишру хъама битлай бур, цІана кІиришиву, бугъ бусса чІумал жула зунттал щарацал щин чІа чайсса куна, жула аьдатру, жула халкъуннал балайрду, лакку шанмарду чІа тІий бур жула балайрдал махъру ялттувасса каниччул хъусса бур, цила багъайкун лакку маз къакІулсса балайчитурал жула шаммардал мяъна зия

дуллай бур, шархъаву балай тІиналгу ми шаммарду буллай бур.

КутІану учин, вай шагърурдай оьрус мазрай буллалисса хъатІал жула маз мискин буллай бур, ялун нанисса лаккуй ялапар хъанакъисса никиран багъу-бизулулу маз, аьмну ишла бай маз бакъа клулну бакъар, цала ниттил мазрайн му чув ишла байсса, ссан аьркинсса мазри тІий бур, чІунни жула лаккуй хъатІивгу буллан, буллай байбивхъусса лаккуйсса заллугу бакІуйн буккан бан, жула нехру, щарашив, ратІру жура духлаган къадуллай, хъунидуллан

**Р.МахІаммадов**

## Ттулмур чІу цибувссар?

(Юмореска)

БувчІавуртту хъинну аьратталну нанисса чІун дия. БувчІавурттайгу увчІай ия ца хъун къуллугъчи. ЧІурду булаву къуртал хъуну махъ, буллусса чІурдал жям дуллан бивкІуна.

Ахиргу, буллусса чІурдал ялув бувчІавурттал комиссиялул хъунма баян буллан ивкІуна. Буллусса чІурдал ялув дурсса жямурдия баян бувну махъ, гикку вичІи дирхъун ивкІсса Хизрил суал буллуна:

-Ттун клулхъуну ччива на буллусса чІу, яний на бувтуса бюллетень цибувссарив?

Комиссиялул хъунма къухъна авцІунгу ивкІун:

## Давурттал щаллу баврия

Дагъусттан Республикалаул захІматрал ва агъали социальныйну бурччаврилсса байсса Министерствалул 2015-ку шинал Севастополь шагърулий зун тІайла увккуну ур 75 инсан. Мигу сельскохозийственный давурттай зун. Гъашинугу Дагъусттан Республикалаул «Человеческий капитал» тлісса проектрайн

буну ва гъинттул чІумал жагъижугъулт чІумуйнуса давурттал щаллу баву мурадрай Севастопольлайсса АО «Артвин» миннат буллай бур Дагъусттан Республикалаул захІматралсса ва агъали социальныйну бурччаврилсса байсса Министерствалухъ чІумуйнуса, тІутІи батІлан, сельскохозийственный давурттай зунсса жагъилсса инсантал щаллу бара тІий. Мигу 100 инсан август ва сентябрь зурдардий зунсса.

Щиккусса давурттал шартІру укунсса дур:

- чичІлай бур захІматрал договор;
- социальный пакет щаллуну дузал буллай бур;
- зузаврил чІун нюжмардий 40-лла ссят дур;
- ххуллухсса багъа, дуки-хІачІия, ялапаршинна щаллу дуллай бур даврийн къамул буллалиминнал АО «Артвинналул».

Севастопольлай зун гъан ччисса, ялув кІицІ лавгсса шартІирдай рязисса ухъурча, центр занятостьрайн цІухху-ккакку бан бучІан аьркинссар.

**П.Аьлибекова,**  
Вед. Инспектор ГКУ РД ЦЗН в МО «Кулинский район».

# Литературалул лажин

## Ю.Р.Хяппалаевлун-100 шин

Гъашину Дагъусттаннал Халкъуннал шаэр Юсуп Рамазанович Хяппалаевлун 100 шин иам хъанай дур Шаэрнан юбилейран хас дурсса меропиятиярду хъанай дур республикалул районнай ва шагъурдаи.

Юсуп Хяппалаев увссар 1916-ку шинл июнналул 22-ний Хъуруклул лал шяраву. Юсуплул цалчинмур назму печатърайн бувккун бур 1932-ку шинал районналул газетрай. 1940-ку шинал бувккун бур назмурдал цалчинмур жууж. Муния махъ итабавкъун бур назмурдал ацІния арулва жууж. Ита бавкъун бур оьрусмазрайн таржума бувсса назмурдал жууж; «Горячее сердце друга», «Звезда счастья», «Лирика», «Я - песчинка с горы», «Кремень и фиалка», «Семена ложатся в борозду», «Долг», «Избранное» ва мукума цаймигу.



Umagadji Bandamaev

Хяппалаев С.Стальскийл цІанийсса премиялул лауреатри, дуллуссар ЗахІматрал ЯтІул ттугълил орден, «ХІурматрал лишан» орден ва цамигу медаллу. Яларай ришлай буру Ю.Р. Хяппалаевлул назмурдан хас дурсса лажин.

### АхІмакъ

АхІмакъшиву дурманан КІулши дума лахІзалий  
Цанна дурчІлай духъурча Аькъилнащал хъурчагу,  
Мунайн ахІмакъ мачара. Мазран накълил тІин кунма  
Га цурир бувчІинтІиссар.

Аькъил леххаву тІурча, Бувтун чару ххяххайсса  
Нара тІий аькълу бума Яла оьргъа аьрщарай,  
Мунайнгу вих машара. АхІмакъналмур гъаннарай  
Бюрувагу къаххяххай.

АхІмакъчу оьрмулухун Шюллишиву къашайсса  
Аькъилнащал унугу, Шюллишиву къашайсса  
Къусун накълил тІин кунма НякІва-някІсса щамарай  
Мунага увчІинтІиссар. Аькъилналмур гъаннарай  
Шюлли багъ щяту гъаз шай

### ТамахІ

Арс, буссар ца аьтара, Дарман къалякъай азар,  
Яруннанхалкъашайсса, Дирма хъурдай тІи айсса.  
Гивун агънал минара  
Кунпаякун хъун дайсса. Ява, арс, дакІний дити  
Дюь, халкъуннал дирхъусса:  
Му тамахІрал аьтарар, Хъунмасса тамахІралли  
Лахълай лахъан къашайсса, БакІ лакъайсса, тІутІисса

\*\*\*

### Жагъилишиву

Гъарал ттурлу дурцІукун, Лайсал гъарал кунна,  
Ссавруннай къув-аьс чантІ чай, Бивтсса бургъилух,  
ЦІарал ттуру палцІа тІий, Жалгъилшив, дакІмяшна,  
НякІ ссав парча тика дай. Къаччай дунура,  
Ххалкъашай шадшиврул

Ина ссавний ттурлурав, Яркса тІутІащал  
Къув-аьс тІий гъалак буклан, Къурдайх, лухччайх, ахъайх,  
ЦІарал ттурлу цан палцІ дав, Вах куну лагри

Ттурлу дачІра хъуну махъ, Хъама ритан эллаж  
Баргъ битай, ссав чанна шай, ДакІниву бакъа,  
Лухччинигу ххяххия цІунил ганих луглай,  
Ххарину вирин дизай. Ххал дуллаи усса,  
Ганил суратирай

Вилмур къув-аьслий тІурча, Гъалгъа тІутІисса  
ТІутІул яру зювил бай, Лишанну чІярусса  
Зювилул щинал тІурча Лагма ххал хъунни:  
Симандалий ратІру дай.

### Сонет

Щала ттул хъус, авадавшиву, Шад ттул хъус, авадавшиву,  
Дуснайнсса вихшалар, дус-тІайлашивур. Дуснайнсса вихшалар, дус-тІайлашивур.

Ябав намус, ттангъа къадурну, Зунттурду, зунттал халкъ дакІнир бивхъун.  
Мюрщи оьрчІал учай

БикІуча чІу -ттул хъатливува. Шад балайрдаву,  
КІулли: ссят дирукун, итххяххантІиссар. Абад бухкъалагай

Чавугу ттул дур къюкІливура Хъул-умудраву.  
КІулли: мугу тачІав къалешантІиссар..

Уччивххума, хІакъмур бацІан бан, Зунттурду  
Бавккумур пуч буллаи, къаталантІиссар. Зунттурду!

Ми мюхтажсса рахІатшиврухри Зунттурду!  
Жагъилталли- хІадурсса талан!

Миннал лакърай дассан Зу ттул хъьичІ буру.  
Майгу дакъассар.

Ми - мюхтажсса тІайлашиврухри! На зуяр жагъила.  
Майгу дакъассар.

### Маучара

Цанма аьлтта чІалай буна, Наравкъай зул хъьичІсса?  
Щялусса махъ учайнаща Зурув ттул хъьичІсса?  
Бан къабюхъайсса оьбала Жаваб дулара.  
Буссар куну маучара!

### Дуснахъ

Ца дуснал шадшиврия иянну ниц биххайсса  
Ца дус пашман шайссарив? Базин хъянша къабувхъна?  
Дуснал дардирая дус  
Ххаривагу шайссарив?

Ва ца шин шавайсса- Цван вих хъура ина  
Дус дусначІан къаукІлай, Ламмамчунал мукъурттих?  
Ца шин лагавайсса- Циван аххав дус ина  
Дуснал дуснайн дакІ дугълай. Ламмамчунал мукъурттих?

Къавхъунав цІуххин дакІнихъ, Пикрилул къабусарча,  
Дуснайн душманни учин Къавхъунав учин дуснахъ,  
Ттуща тачІав къахъунссар, Дус мийжансса ухъурча?  
Нажагъ бюхъарча учин,  
Ттул душман ттул дус хъунссар.

ХъатІи бунал къавтІала, КъюртІи бунал аьтІала  
Душманнал ттухъва кусса Я вин дус къахъунтІиссар,  
АцІазарва пишнияра, Я ттун дус къахъунтІиссар!  
Дуснал ччай, цІий бивщусса

Аьнци азарилва ххирар. Дус- оьний ацІвагур!  
Дус- хъинний ацІаймагур!  
КъавтІала ва аьтІала КъавтІала ва аьтІала  
Гъарца мурацІних лякъайссар!

\*\*\*

Ва буттал кІанттай Хъьунил цІаннащал архІал  
Ва ттул буттал кІанттай Ссав лухччинин лирккуна,  
Знттурду бакъа, Чани хъуннил ссавруннал  
БакІурдугу буссар, Лухччиний ххари бувна.  
Чил зунттурдуксса. Чаннахъ хъьемавсса къупру

Вай зунттайх дирхъусса Цинявпа хъяхъа куна,  
Мюрщи шархъувгу ТитІу буллаи, тІутІивгу  
Ца-цагу дуссар Лагма, дуний тІиртІуна.  
Чил шагъурдуксса. Бугъил чаннащал някІ ссав  
Лухччиния гъаз хъуна,  
Цила някІшиврул пардав  
ТІутІайн, бярадин дуртуна.

\*\*\*

Багъавай махъ чирча Махъ учин багъсса кІанттай,  
ЧийчІанияр ххисса Къанкъ нахІу тІутІи кунма,  
Буссар виртталгу. Цумацаннал къамул бай.

Бунугу чІявусса Къабагъний махъ учирча,  
Миллагру шикку, Махъ чІюлусса бунугу,  
Дусшивумур дуссар Чувнир цІакъсса Къанкъ дурагу дакъасса  
Чагъар тІутІуха лащай.

### Мурчал лахІан къабайсса

Мурчал лахІан къабайсса  
Мурхъ дунъяллий буния,  
Вийсса аьйри чивив  
Алвагъ бакІ къус ритаву.

ЦІарайн мютІи къашайсса  
Зад дунъяллий дуния,  
Вийсса бювкъур чивив  
ДакІ ччаврин мютІи даву.

Инагу аьй мадара  
Интту дараччи тІутІай,  
Марххала яла гъаннин,  
Ххярххунни, къаркъунни тІий.

Ягу бювкъу мабара  
КІуруклул оьчІ тІутІай,  
Циняр рангру дунугу,  
Царагу къанкъ дакъар тІий..

\*\*\*

Сситтул гъалак асар  
Хъьара бан ччарча,  
Ссавурданул чидар  
Сситтуй билуша.

Банбитаймуниву  
Аьйкъин къаччарча,  
ЧІявучил тІимуних  
ВичІи дилуша.

Нигъа усаврия  
Ххассал хъун ччарча,  
таваккулданул чай  
КІили дилуша.

Щялумунил яру  
Левщунма ччарча,  
ТІайлашиврул чирахъ  
Иттавилуша.

ХалкъунначІа бусрав  
ХІурматрай ччарча,  
Ширишилун жан  
Халкъуннан диша

<p><b>Редакциялул адрес</b> 368390, Республика Дагестан Ккуллал район, ш.Ваччи</p> <p><b>Издательнал адрес:</b> Республика Дагестан Ккуллал район, ш.Ваччи</p>	<p>Газета регистрировать бувссар РФ-лул МТПР-лул Южное межрегиональное управлениялул. Регистрациялул номер ПИ № 10-4202</p>	<p><b>Хъунама редактор</b> <b>А.И. Къянчиев</b></p>	<p>Газета бавтІуссар «ЧаннаЦуку» газетрал редакциялул компьютердай, бивщуссар ГАУРД «Издательский дом «ДАГЕСТАН». Типографиялул адрес: 367018. МахІачкъала, пр. Насрутдинова 61,</p>	<p>Буккайссар ножмардий цал, Индекс: 51317 тираж 650 экз. Газета итабакъин къулбас дайсса чІун 17. 00, къулбас дурсса чІун 16. 00</p>
--	---	---	--	---